

671.1238
078
127

卷五十七列傳九仕
蹟二 卷五十八列
傳十仕蹟三卷五
十九列傳十一仕蹟四

永平府志

永平府志卷五十七

列傳九

仕蹟二

國朝

孟喬芳字心亭其先永平人世襲東勝衛指揮同知喬芳偉岸善騎射能以一矢墜雙雁

本朝天聰四年大兵克永平喬芳謁

御營朝見

上以金卮酌酒賜之令隨諸貝勒駐永平遣人往陽和偵
諜明總兵祖大壽亦遣人至喬芳所偵我兵多寡喬
芳縛以獻尋隨大軍歸遼陽隸漢軍管佐領事五年

授刑部承政予二等輕車都尉世職崇德三年更定
官制改刑部左參政四年兼紅藍兩旗漢軍副都統
七年隨大軍圍明錦州同都統金礪等克塔山城是
年分漢軍八旗喬芳改鑲紅旗副都統後遂爲漢軍
鑲紅旗人八月有以貝勒羅洛渾家人奪金事訴者
喬芳置弗理坐瞻徇降世職一等十月隨大軍征明
攻前屯衛中後所二城並克之敘功加一雲騎尉順
治元年從大軍入關二年四月授陝西總督長安縣
妖民胡守龍等造僞印倡亂喬芳遣副將陳德擒斬
之閏六月疏言秦省沿明陋習各官莅任俱有鋪設

繁費累百姓請嚴禁

詔如所請時流賊張獻忠尙據四川喬芳請於興安駐重
兵漢中增設巡撫以扼其衝疏下部議行三年甯夏
兵變殺我巡撫焦安民喬芳授計總兵劉芳名斬首
惡王元馬德別遣副將任珍陳德王平等勦賊黨賀
珍劉二虎胡向宸於興安挫賊眾追斬向宸敗孫守
法於椒溝降平天青背諸寨復遣副將張永劉友元
擒賊賀宏器於安家川五年四川流賊一朵雲馬上
飛等犯西鄉縣喬芳遣任珍會漢羌鎮兵馳勦殺僞
監軍許不惑及賊眾千餘生擒一朵雲馬上飛尋河

西逆回米喇印丁國棟作亂渡河而東連陷郡邑薄
鞏昌喬芳率兵駐秦州遣副將馬甯援鞏昌合副將
趙光瑞軍與賊大戰於廣武破之逐北七十里遂解
鞏昌圍時賊據內官營及岷洮河三州衆數萬喬芳
遣軍三路進剿時張勇敗賊於馬韓山光瑞敗賊於
梅嶺擒僞將丁光謝甯直搗內官營岷洮河三州皆
復逆回退居蘭州喬芳與侍郎額色督兵攻下之喇
印國棟皆受撫逾兩月復踞甘州叛甘肅巡撫張文
衡西甯道林維造參議張鵬翼總兵劉良臣副將毛
賓潘雲鵬等俱遇害喬芳自蘭州渡河馳赴甘州與

提督傅喀禪協領羅畢大總兵齊陞等四面合攻不下深溝高壘以困之賊食盡援絕乃宵遁喬芳遣兵馳勦斬喇印於水泉國棟復與纏頭賊土倫泰等踞肅州出梗武威張掖酒泉地喬芳遣張勇馬甯等攻破肅州擒倫泰國棟誅之六年八月大同叛鎮姜瓖黨虞允韓昭宣等糾眾三十萬陷蒲州及臨晉猗氏等縣喬芳同額色奉

命赴山西會勦自潼關渡趨蒲州殲賊畧陽遂進兵臨晉猗氏斬僞帥白璋擒僞監軍道衛登方復遣協領根時參領都敏副將狄應魁趙光瑞等分勦敗賊斬虞

允韓昭宣猗氏解州榮河等城俱復乃還軍十二月
興安賊何可亮踞箭峪階峪出入剽掠喬芳遣任珍
勦平之七年遣甯光瑞等勦賊于合水縣斬賊渠劉
宏才擒其僞軍師苗惠民入年遣遊擊陳明順敗賊
何柴山于商州雒南縣時賊渠孫守金糾川湖諸孽
踞紫陽山寨喬芳先令遊擊仰九明偵防復遣光瑞
往會興安鎮兵合勦擒斬僞將軍翹興趙定國謝天
奇等梟其巢九年入

覲加太子太保

詔馳驛還西安先是敘平回賊功加兵部尙書銜晉世職

爲一等輕車都尉至是兩遇

恩詔晉三等男十年二月

命兼督四川兵馬錢糧疏請以重兵鎮守保甯漢中分步
兵五千興屯廣元昭化之間俾兵食有賴又請於陝
西四鎮分步兵二千給帑備牛種墾荒田下部議行
五月疏言大軍規取全蜀宜隨在留兵駐防以樹干
城而謀生聚至進征之兵請每名給馬三匹伴丁一
攜甲仗以利攸往得

旨悉心籌畫具見爲國忠誠深可嘉悅十月西甯孫家寨
回民謀不軌喬芳遣狄應魁馳勦擒賊渠祁敖牙回

子等餘黨悉平十一月引疾乞休

詔以原官加少保馳驛回京十一年卒

遣內大臣奠茶酒加贈太保

賜其家白金千兩住宅一區

予祭葬如例諡忠毅年六十雍正十年

詔入賢良祠子熊弼襲世職

參錄
國史

蔡士英字伯彥號魁吾漢軍正白旗人其先以軍功襲
錦州左屯衛千戶我

大清順治元年二月授佐領尋署參領六月隨都統石
廷柱往山東遇濟陽土賊埽地王康玉環擁眾萬餘

阻道勦平之擒斬玉環尋隨都統葉臣招撫山西以
紅衣礮攻太原府敗僞伯陳永福兵二年隨英親王
阿濟格征陝西擊流賊于延安府城下隨貝勒博洛
征浙江進定福建五年授都察院左僉都御史遷副
都御史六年任正白旗漢軍副都統隨巽親王滿達
海征叛鎮姜瓖復朔州及汾州府城九年四月授江
西巡撫時廣西土賊楊文等集浙閩流亡踞九仙山
肆掠旁邑袁州吉安土賊劉京李文斌受明桂王朱
由榔僞侯爵糾眾陷安福永新諸縣士英至與提督
劉光弼會商援勦遣遊擊岑應元等率師擊賊眾復

安福永新李文斌劉京先後擒斬遂遣參將陳陞等
會同浙江官兵攻破九仙山賊寨楊文中礮死降其
弟楊富等餘眾並受撫又僞總兵霍武結連福建逆
寇周立滋擾江西僞都督曹志攀僞總兵汪文生先
後糾賊犯饒州廣信士英檄兵征勦復遣湖東道安
煥通判張羽明等諭降之先是江西巡撫夏一鶚請
豁荒田稅糧部議令覆加察核至是士英疏言江右
連年兵燹加以天灾流行死亡相枕腴產拋荒前撫
臣夏一鶚疏報全省荒歉及今覆察比前較多因前
此或地爲賊踞今始恢復或民徙他鄉今始歸來有

闔門遭戮開報無人者又有誤聽傳訛恐報荒卽作
官田者竟有未報之數臣思有荒而不除除之而不
盡非所以廣布

皇仁今十三郡所屬尙多寇盜良民甘心相從正以今日
歸來明日卽追征荒逋故甯從賊而不悔耳且貪官
污吏因荒熟未分始則借荒爲口實繼則緣荒而作
奸牽混不清窮民徒受催科之苦究無補於國用朝
廷亦何樂有紙上之虛數哉惟除荒一舉不過減有
名無實之浮額自此按冊而征無所託詞再督勸開
墾遵例起科數年之後可以仍完原額臣委員遍行

踏勘通省荒蕪確數實十萬七千五百餘頃較前撫臣所報多二萬五千六十七畝有奇伏乞

恩準豁除國計民生兩有攸賴疏入得

旨允行又江西右布政使莊應會奏袁州瑞州二府科糧獨重請減浮額下士英確勘疏言袁瑞多山素稱瘠土自陳友諒竊據時因壤紕借征明洪武初奸民黎伯安抱冊以獻沿襲不改較元至治閒額征浮倍視臨江吉安等府亦輕重懸殊應從減原額每畝九升三合起科以蘇積困奉

旨浮糧積久重困一方應從原額減免無踵弊混征士英

又因工部議令察勘廣信府之封禁山可否採木疏
言封禁山初名銅塘因其峭險屢爲盜藪削平之後
卽封禁亦稱封禁山唐代黃巢倡亂其黨藉爲穴窟
流毒一方明嘉靖閒奸民葉宗留賃居燒炭遂謀爲
不軌鄧茂七爲之附援三省搖動幾危信州邇爲山
賊楊文竊踞甯謐未久恐啟奸謀請敕禁開採

詔從之十二年擢漕運總督明年疏言舊例本省丁船協
運他省糧務未免稽延請改撥就近官丁領兌又言
海州先遭兵火致多無主荒田已入新墾冊報原額
正供錢糧無憑征解請

冒豁除並刊正賦役全書以示久遠事皆下部議行十四年因病解任十六年病痊復授漕運總督先是順治二年設鳳陽巡撫駐秦州六年因標兵調赴廣西裁巡撫歸漕運總督管理至是士英以海防漕務勢難兼理請仍舊制于是復設鳳陽巡撫士英專理漕務十八年以疾致仕康熙十三年三月卒

賜祭葬如典禮諡襄敏祀江西名宦淮安士民亦建祠祀之四十四年

上南巡過淮安

御書奏績東南以額其祠子四長毓貴早世次毓榮另有

傳次毓華遵義府知府季毓茂京口副都統

參錄
國史

蔡毓榮號仁庵襄敏公次子也初任佐領兼刑部郎中尋授京畿道御史兼參領順治十七年隨征楚寇又調征鄭國信海氛既靖紳士多羅僞籍毓榮矜釋甚眾有宦者橫於市執而撻之詔問狀俯對曰臣

何敢撻宦者撻虐民犯法人耳由是聲振京師康熙元年遷祕書院學士五年授刑部侍郎七年遷吏部侍郎九年授四川湖廣總督駐荊州

陛見時

上親解

御袍賜之著體猶溫十年疏言蜀省

民少田荒宜廣招開墾凡候選及現任人員招民三

百戶者議敘卽用卽陞墾熟田畝寬限五年起科又
言蜀省衝要營員請照沿邊例題補十一年疏言移
駐弁兵其子弟有讀書者應準入籍考試十二年請
裁遵義總兵官改鎮松潘事並下部議行是年十二
月逆藩吳三桂反毓榮疏言雲貴總督甘文焜手書
遣臣言三桂反臣隨調沅州總兵官崔世祿疾赴貴
州禦之令彝陵總兵徐治都永州總兵李芝蘭各率
兵繼進

上諭以宜令提督桑額疾馳沅州固守勅遣王貝勒大臣
領八旗兵至荊州復